



Tusagassiorfinnut nalunaarut / Pressemeddelelse

Imigassaq Ikiaroorlartorlu pillugit Siunnersuisooqatigiinnit imigassaq pillugu siunnersuutit nutaat

Imigassamik atuinerit tamarmik navianartorta qarput, taamaattumik imigassamik atuneq annikinneruppat, taava nappaatinut arlalinnut navianartorsiornerit, kiisalu inooqataanermi pissutsinut inuiaqatigiinnullu kingunerluutaasartut ikinnerulissapput. Imigassartorneq annikinneruppat, tamanna tamatigut pitsaanerussiaaq.

Imigassaq Ikiaroorlartorlu pillugit Siunnersuisooqatigiit imigassartorneq pillugu siunnersuutaanni nutaani innersuussutaat tassa siulleq. Siunnersuisooqatigiit canadamiut innersuussutaannut assingusunik siunnersuuteqarput, tassalu imernejarsinnaasunut killiliillutik innersuussaqaqnginnamik, imigassartalinnimmi imernej sunaluunniit navianartorta qarpat. Imigassartalinnik imertaraanni, taava siunnersuisooqatigiit innersuussutigivaat imerujoornermi ataatsimi sisamat sinnerlugit imertoqartannginnissaa. Siunnersuut taanna imigassaq pillugu paasisitsiniaasoqarsimaneranit Max4Tassa-mit ilisimavarput. Imigassartalinnik imertillutit, taava aalajangersimasimasunik ataatsimik kisimi imigaqartarit, soorlu immiaaraannarnik imaluunniit viinniinnarnik. Immiaaqqammi imigassanik kimittuunik akoorneri imernermut tamakkiisumik tamatigungajak sakkortulisitsisarmata.

”Nunatsinni innuttaasut tamarmik pitsaasumik peroriartornissaat inuunerissaarnissaallu qulakkeerniarutsigu, taava imigassamik atuisarnerup, pingaartumillu imerujoornermi ataatsimi imerujussuarternerup annikillisarinnissaa iliuseqarfigisassatta pingaernerit ilagaat. Ilisimavarput imerujussuarterneq, matumani imerujoornermi ataatsimi tallimat sinnerlugit imertarneq inuiaqatigiinnut annertuumik kingunerluuteqartartoq, soorlu ajunaarnernik, persuttaanernik, kinguaassiuutitigut atonerluinernik, pinerlunnernik aamma imminut toqunnernik”, lvalu Katajavaara Seidler Imigassaq Ikiaroorlartorlu pillugit Siunnersuisooqatigiinni siulittaasoq aamma Syddansk Universitetimi Ilisimatusarfimmilu ilisimatusartoq taama oqarpoq.

”Ilisimatusarnerit aamma misilittakkat takutippaat imerujussuarterneq meeqqanut taama imerfigitikkajulluni peroriartortunut sakkortuumik kingunerluuteqartartoq. Angerlarsimaffinni annertuumik imerfiusartuni peroriartorneq meeqqamut imminermini ajoqusiisinnaareerpoq, matumani ineriartornissaanut, peqqissusaanut aamma atugarissaarnissaanut sunniuteqarnerluttarluni, kisiannili

17-09-2024
Sags nr. 2023 - 13856
Imaneq 4
Postboks 1160
Tlf: 34 50 00
3900 Nuuk
Email: pn@nanog.gl
www.naalakkersuisut.gl

aamma persuttaasunik, sumiginnarneqarnermik kinguaassiuutigullu atonerlunneqarnermik misigisaqarnissaanut navianartorsiortinneqarnissaa aarlerinernerulersarpoq. Ilisimavarput imerujussuarterneq imminut toqunnissamut aamma imminut toqunnissamik pissusilersornermut ersiuteqalersitsisartuq, taamatut pisoqannginnerani amerlanertigut imigassamik sunnertissimasoqartarmat. Imminut toquttarneq pinaveersaartinniarutsigu, taava aamma imerujussuarterneq pinaveersaartittariaqarparput, Ivalu Katajavaara Seidler ilassuteqarluni taama oqarpoq.

Taamaammat inuusuttut imigassamik atuisarnerat aamma eqqumaffigineqartariaqarpoq, siunnersuisooqatigiillu innersuussutigivaat 18-inik ukioqalersinnani imigassamik atuisoqanngilluinnassasoq. Innuttaasut peqqissussaannik misissuisarnernit ilisimaneqarpoq inuusuttut imerujussuarternerusartut, taakkualu affaata missaat ajoqusiislinnaasumik imigassamik atueriaaseqartut. Siunnersuisooqatigiit ilanngullugu innersuussutigivaat 18-it 25-villu akornanni ukioqaraanni imigassartortarneq mianersuunneqassasoq, imigassaq qaratsamut ataavartumik ajoqusiislinnaassuseqarmat.

Naartugaanni, imaluunniit naartulerusukkaanni milutsitsilluniluunniit, taava imigassamik atuinngilluinnarnissaq innersuussutigineqarpoq.

Imigassaq nappaatinut 200-junit amerlanerusunut patsisaaqataavoq, matumani inuiaqatigiinni nappaataalersartunut annertuunut, soorlu kræftimut uummatillu taqaatigut nappaateqalertarnermut, taamatullu nunarsuaq tamakkerlugu toqusartut eqqarsaatigalugit, imigassaq 5,3 %-iinut pissutaasarpoq.

Annertunerusumik paasisaqarusunnermi attavissaq:

Ivalu Katajavaara Seidler, siulittaasoq
Imigassaq Ikiaroorntorlu pillugit Siunnersuisooqatigiit
Oqarasuaat: +45 65 50 77 15
Mail: ivalu@sdu.dk

Siunnersuutit pdf-nngorlugit:

[Imigassaq pillugu siunnersuutit](#)
[Imigassaq pillugu siunnersuutit - naalisagaq](#)